



Te Avae Tiurai 1959

TE HEHEURAA API

Te Taoraraa I Te Ofai Matamua.

(Ioane 8-9.)

I raro a'e i te ture a Mose ua faauehia te mau taata ia pehi ratou i te ofai, e tae noa'tu i te pohe, te mau taata tei rave i te mau hara rarahi. Ua ite te mau Pharisea, e te mau haapii ture i te reira, e ua rave ratou i taua ture ra no te tamata i te haamau ia Iesu i roto i te hoê here pata.

I te hoê mahana roohia ihora e ratou te hoê vahine te rave ra i te hara, hopoi maira ratou ia'na i mua ia'na ma te parau e, "*I parau mai hoi Mose i roto i te ture ra, e pehi i te reira i te ofai; eaha ra ia oe na parau?*" Aita roa o Iesu i pahono noa a'e ia ratou i te haamataraa, pi'o ihora oia i raro e papai atura ta'na rima i te parau i nia i te repo. Ua tamau maite ra te Pharisea i te ui mai e, eaha te tia ia ravehia. Tia maira oia i nia, e pahono maira oia, *Na te taata hara ore i roto ia outou e taora'tu i te ofai matamua ia'na.*" E i reira pi'o faahou ihora oia i raro, e papai noa'tura oia i nia i te repo ra.

Ua ite te mau Pharisea e, e mau feia rave hara hoi ratou. Na to ratou iho aau i faahapa mai ia ratou, e ua unuhi ta taitahi noa'tura ratou, e faarue atura ratou te vahi i parahibia e Iesu ra. E a reva'i ratou atoa, fariu maira Iesu i taua vahine ra o tei tia noa, e ua na ô mai oia, "*E teie nei vahine, teihea te feia i pari mai ia oe nei? aore roa e taata i faautua mai ia oe na?*" Ua parau maira oia, "*Aore roa, e tau Fatu.*" Ua haere mai Iesu i nia i te fenua nei no te faaora i te mau taata, eiaha no te faautu'a ia ratou. No reira, na ô atura oia, "*Eita atoa vau e faautua'tu ia oe; a haere, eiaha râ ia hara faahou.*"

Na roto i te faarueraa i te hara, e i te raveraa i te mea maitai, e noaa ia, ia tatou, te faaoreraa i ta tatou mau hapa, e mai te mea e haapao tamau tatou e tae noa'tu i te hopea e ora ia tatou.

A haere noa'i Iesu ite atura oia i te hoê taata matapo mai te fanauraa mai â. Ui maira ta'na mau pîpî ia'na. "*E Rabi, na vai te hara, na'na iho anei, e na na metua anei, i fanau matapo mai ai oia?*" Pahono atura Iesu, "*E ere i to te hara a teie nei taata e te hara a na metua ra, no te mea rā ia itea te okipa a te Atua ia'na nei.*" Tufa ihora oia i te huare i nia i te repo, ua o'i ihora i te repo, rave ihora i te reira e o'i atura i nia i te mata o te taata matapo ma te parau atu ia'na, "*A haere, a horoi i to mata i te pape ra i Siloama.*" Haere atura, horoi atura, e haere maira hoi ma te ite.

I te iteraa to'na mau taata tupu ia'na i te haereraa na rotopu ia ratou, ma te tia ia'na ia ite faahou, na ô atura te tahi i te tahi, "*E ere anei teie te taata i parahi noa ani ai i te tao'a ra?*" Ua parau maira vetahi, "*Oia hoi teie,*" na ô maira vetahi, "*Mai ia'na mau nei â hoi te huru.*"

Ua faaroo taua taata ani noa ra ia ratou i te parauraa e na ô atura oia, "*O vau hoi ia.*" E reira ani atura ratou e, e mea nahea to'na mata i araara'i. Na ô maira oia, "*I o'ihia te repo e te hoê taata o Iesu te i'oa, e ua parai maira i taua mata, e na ô maira ia'u, A haere i te pape i Siloama horoi ai i to mata; haere atura hoi au horoi ihora, e ite atura.*"

Ua ui mai ratou e, teihea ia o Iesu, aita rā oia i i te teihea oia. E i reira rave atura ratou ia'na e hopoi atura i mua i te mau Pharisea ma te parau atu ia ratou e, e matapo oia i te matamua e ua faaorahia oia e Iesu. E mahana Sabati te mahana i ravehia'i taua semeio ra. Haru oioi atura to ratou manuāraa no te pariraa'tu ia Iesu e ua na ô atura ratou, "*E ere teie taata i to te Atua, aore hoi oia i haapao i te sabati.*"

Na ô maira te tahi pae, "*Eaha e tia'i i te taata hara ia rave i te tapao mai teie nei?*" Haamata ihora ratou i te mârô e amaha'tura ratou. E i reira fariu atura te mau Pharisea i te taata ani noa e ni atura ia'na, "*Eaha ta oe na parau ia'na, oia i faaora i to mata na?*" No te caoa i

noaa ia'na no te araararaa to'na mata, na ô atura te taata ani ra, "*E peropheta ia oia.*" Aita te tahi pae o te mau ati Iuda i tiaturi e, na fanau matapobia mai taua taata ra. Haere atura ratou e farerei i na metua o taua taata ra ma te ui atu, "*O ta orua tamaiti teie i parau ra, i fanau matapo mai oia? eaha hoi oia i ite ai i teie nei?*" Ua mātā'u na metua i te mau ati Iuda o tei parau e, e afaibia i roto i te sunago te taata o te parau e, o Iesu ra o te Mesia ia.

Ua parau mai na metua ra, "*Ua ite māua, na māua mau teie nei tamatti, e matapo mau oia mui te fanauraa mai ā. Area rā te mea i ite ai oia i teie nei, aore ia māua i ite; a ui atu ia'na, ua paari hoi oia iho, e na'na iho e parau mai.*"

Fariu atura te mau ati Iuda i te taata ani ra, e na ô atura ratou, "*E haamaitai i te Atua; ua ite hoi matou e, e taata hara teie nei taata (oia hoi o Iesu).*" Ua parau maira taua taata taparu ra, "*Aore au i ite e, e taata hara oia, hoē roa a'u parau i ite, e matapo to'u i mutaa iho, e teie nei te ite nei au.*"

Ui faahou maira ratou ia'na e, e mea nahea to Iesu faaoraraa' tu ia'na e i reira na ô atura, "*Ua fa'i atu hoi au ia outou, aore outou i hinaaro i te faaroo faahou i te reira? e pipi anei outou no'na?*" Na te reira parau i faatupu i to ratou riri e huri atura ratou ia'na i rapae.

I to Iesu faaroora i tei tupu ra, haere atura e farerei i taua taata ra. E i to'na iteraa ia'na. ani atura oia i taua taata ani ra, "*Ua faaroo anei oe i te Tamaiti a te Atua?*"

Pahonō maira taua taata ra, "*E te Fatu, o vai oia ia faaroo atu vau ia'na?*" Na ô atura Iesu, - "*Ua hi'o hoi oe ia'na, e oia hoi teie e parau atu nei ia oe nei.*" Ua parau maira oia, "*E te Fatu, ua faaroo vau,*" e tipapa ihora i raro e haamori atura ia'na.

Marcel Bonnet

LES "ARTICLES DE FOI"

SECOND ARTICLE DE FOI.

Le deuxième Article de Foi dit: "Nous croyons que les hommes seront punis pour leurs propres péchés et non pour la transgression d'Adam."

Qu'est-ce que le péché? Qu'est-ce que la transgression d'Adam?

Les récompenses suivent-elles toujours immédiatement les bonnes actions et les châtements les mauvaises?

Après que la terre eut été créée, l'homme y fut placé, et cet homme était Adam. Il reçut une compagne qui fut sa femme, Eve. Ils vécurent dans le jardin d'Eden, et ils reçurent deux commandements. Le premier était d'être féconds, de multiplier et de remplir la terre, et aussi de la soumettre. L'autre commandement consistait à ne point manger du fruit d'un certain arbre, "l'arbre de la connaissance du bien et du mal", qui se trouvait dans le jardin.

Dans le jardin d'Eden, Adam et Eve étaient innocents. Ils ne distinguaient point le bien du mal, le juste de l'injuste.

Mais un choix leur fut présenté. Ils reçurent leur liberté de faire comme ils désiraient. Ils reçurent un très grand don: leur libre arbitre. Ce don signifie que tout homme est libre de choisir de son plein gré, de faire le bien ou de faire le mal. S'il fait le bien, l'homme sera récompensé; s'il fait le mal, il sera puni. Tel fut le commandement donné à Adam et à Eve, et à leur postérité depuis ce temps-là.

Adam et Eve se trouvaient devant cette alternative: obéir et rester innocents dans le jardin d'Eden, ou bien désobéir, manger du fruit, et être punis.

Satan, le diable, tenta Eve; elle désobéit, mangea du fruit et en donna à Adam. Il en mangea en pleine connaissance des conséquences.

Leur choix leur apporta la mort, mais il leur permit aussi d'accomplir la destinée que leur avait tracée le Grand Concile dans les cieux. La mort qu'ils subirent avaient deux effets doubles: premièrement, ils devinrent mortels et soumis à la mort physique du corps; Deuxièmement, ils subirent une mort spirituelle du fait qu'ils furent bannis de la présence du Seigneur. Ils furent chassés du jardin d'Eden, pour cultiver la terre et pour gagner leur pain à la sueur de leur front.

Mais furent-ils laissés dans ce monde triste et solitaire sans espérance?

D'autres commandements furent donnés à Adam et à Eve et ils connurent les récompenses et la douceur de la victoire du bien sur le mal. Adam déclara:

"Béni soit le nom de Dieu, car, à cause de ma transgression, mes yeux sont ouverts, et dans cette vie j'aurai de la joie, et je verrai de nouveau Dieu dans la chair."

Et Eve dit:

"N'eût été notre transgression, nous n'aurions jamais eu de postérité, et nous n'aurions jamais connu le bien et le mal, et la joie de notre rédemption, et la vie éternelle que Dieu donne à tous ceux qui obéissent." (La Perle de Grande Prix, Moïse 5:10-11)

Le plan avait été conçu et tracé dès le commencement, et une rédemption - un moyen de salut - avait été prévue. Tous les hommes doivent être rachetés de la mort - qui est venue par Adam - sans aucune action de leur part. Cette rédemption nous a été donnée par la crucifixion et la mort

de Jésus-Christ, lequel prit sur lui les péchés du monde. Par la résurrection de son corps et sa réunion à son esprit, les liens de la mort furent brisés.

De la seconde mort, la mort spirituelle ou bannissement de la présence de Dieu, il fut prévu que les hommes pourraient se racheter eux-mêmes. Ils peuvent le faire en obéissant fidèlement à tous les commandements du Seigneur.

“Le péché, a dit l’apôtre Jean, est la transgression de la loi.” (I Jean 3:4)

Feu James E. Talmage, ancien membre du Conseil des Douze, a écrit ceci :

“Le péché est toute condition, que ce soit omission des choses requises ou commission d’actes interdits, qui a tendance à entraver ou à empêcher le développement de l’âme humaine.”

Le résultat ultime du bien c’est le bonheur! Quelle serait alors la conséquence du mal? le malheur!

L’homme sera tenu responsables de ses actions. Chacun sera appelé à répondre de ses actions seulement, de ses paroles et des pensées de son cœur. Jésus a dit: “Je vous le dis, au jour du jugement, les hommes rendront compte de toute parole vaine qu’ils auront proférée.” (Matthieu 12:36)

La chute ou transgression d’Adam fit donc partie du plan divin par lequel nous sommes tous devenus mortels. L’homme peut se réhabiliter par l’obéissance et rentrer dans la présence du Seigneur.

Voici ce que le Seigneur a dit au sujet de ce plan: “Car voici mon oeuvre et ma gloire: réaliser l’immortalité et la vie éternelle de l’homme.” (Moïse 1:39)

Soumis par l’Ancien Toni Stone

“O te Atua hoi Au, e Taata no te mo’a, o to’u ia i’oa. E taata no te faaa’o, o to’u ia i’oa; Hopea ore, e o te vai e a muri nou’tu, o te tahi atoa ia i to’u nei i’oa.” (Buka Fafau Sanito 36:7.)

E homa, e hi’o rii tatou i ta Iesu paraparauraa e te vahine Samaria ra, mai tei papaihia i roto i te loane 4:24, o tei na ô mai e, *“E Varua te Atua, e te feia e haamori ia’na ra, e haamori ia ma te varua e te parau mau e tia’i.”*

E homa, e feruri maitai tatou i ta Iesu nei parauraa, e faa huru rii hohonu tatou i te reira, no te mea, aita roa o Iesu i parau mai e, e varua ana’e te Atua, aita to’na e tino. Ahiri Oia i na reira i te parauraa mai, na hape paha ia Oia, no te mea, o Oia iho tei faaite mai i te huru o taua huru tino Atua ra, i nia i te hoê mon’a teitei, ia Petero, Iakobo e ia Ioane. (A hi’o i te Mataio 17:1-2.) Mai ta’na atoa i faaite mai i roto i te loane 17:3, tei na ô mai: *“Teie hoi te ora mure ore, ia ite ratou ia oe i te Atua mau ra, e ia Iesu i te Mesia i ta oe i tonu mai.”*

Ahiri mai tei mana’ohia e te tahi mau taata e, e varua ana’e Oia, aita to’na e tino; mai te aore paha ia i to ratou iho mana’oraa, ua riro ia o Iesu ei mea hape e ua riro atoa ia te mau Peropheta mo’a ei mau Peropheta hapae ana’e, no te mea ua paraparau taata mai te Atua ia ratou, e ere mai tei mana’ohia e te hoê pae, mai to te taata mau nei ra huru to’na parauraa mai, area ra, e tino hanahana to’na, e ua ite roa o Mose i te Atua. (A tai’o i te Exodo 33:21-23; 33:11.) Ua parau atoa o Aberahama i te Atua, (A tai’o i te Genese 17:1-2; 18:1-33.) E ua ite atoa o Nebukanesa ia Iesu Mesia a vai ai Oia i to’na tino hanahana, i roto i te Varua, hou oia i tae mai ai i te tino nei. (Daniela 3:24-25.)

Ua ite atoa o Setephano i te Atua, e te Tamaiti (Ohipa 7:56) e oia atoa te Peropheta o te anotau hopea nei, oia hoi

o Iosepha Semita. Ua ite mata oia i te Atua Metua, e te Tamaiti atoa i roto i to rana huru tino hanahana. (Buka Tuatapapa no Iosepha Semita, api 12.) E na rave rahi atu â te mau taata mo'a tei faaite mai i ta ratou mau parau faaite, oia hoi, e tino ihoa to te Atua. Ahiri atoa mai tei mana'ohia e tana mau taata ra, aita to te Varua e tino, ua riro atoa ia te mau Aposetolo ei mau ite hape no Iesu, no te mea ua faaite mai ratou e, e tino atoa to te Varua: "*I uenehia ei tino taata, i faatiahia ei tino varua. Te vai ra te tino taata, e te vai ra te tino varua.*" (I Koriuetia 15:14.) E nahea ia tatou i teie nei mau parau mo'a, e haapao ana'e anei, e a ore ra, eiaha? A hi'o na i ta tatou parau tumu i nia nei, ta te Peropheta ra, o Iosepha Semita i faaite mai, tei na ô mai e, "*E Taata Mo'a o to'u ia i'oa.*"

E i teie nei, e haere tatou i nia i te parau e Taata, oia hoi, ia vai to te taata nei tino varua, e te tino nei ia riro oia ei taata paatoa. A tai'o na tatou i te Buka a Moromona, i te Alama 11:41-46 o tei na ô mai: "*E tuati-faahou-hia te tino e te varua hoi i to'na ra huru mau, ei taata.*" e no reira, te parau atu nei matou, oia hoi, te Ekalesia a Iesu Mesia i te Feia Mo'a i te Mau Mahana Hopea Nei, e parau mau ta teie mau Peropheta mo'a ra, e tino mau to te Atua, e tino i'o e te ivi. (Buka a Moromona, Etera 3:6. A tai'o atoa i te Luka 24:39.) E tino mure ore, e te hanahana.

Ua aifaito ta teie mau taata mo'a faaiteraa, e te faaite atu nei matou e, e Peropheta mau o Iosepha Semita na te Atua, no te mea ua aifaito ta'na mau parau faaite i ta te mau Peropheta mo'a atoa. E te na ô maira te Peropheta ra, o Iosepha Semia. "*Ei tavini au no te Ekalesia a Iesu Mesia no te Feia Mo'a no te Mau Mahana Hopea nei.*" (Buka Fafau Sauito 109:8.)

Na to outou taeae i te faaroo o Marurai â Mahuru.

Te Tatararaa I Te Parau Ra E Here.

I roto i taua mau parau ra, te faaau ra oia i te here i te haapao, e na te reira e faa haamana'o mai i te mau parau a Samuela i te arii ra o Saulo, "Inaha, e maitai rahi tei te haapao i te tusia, e maitai rahi tei te faaroo i te toa-hua mamoe oui ra." (I Samuela 1:22)

E i teie nei, no te mea e mea tia ia ferurihia e, te here o te Atua ia faaauhia te reira i te haapaoraa i Ta'na ra mau faaueraa, e tia'tura ia tatou ia hi'o i te faaueraa rahi matamua mai te mea ra e faaueraa, ia faaroo e ia tavini i te Atua, ma to tatou aau atoa, e ma to tatou atoa ra hoi puai atoa.

Teie ia te auraa no te parau e tavini atu i te Atua ma to tatou aau atoa e ma to tatou varua atoa, oia hoi, ia tavini atu tatou Ia'na ma te tapea ore i te hoê vahî iti a'e, te tuu atu i Ta'na mau ohipa na mua roa i to tatou iho mau oraraa, e ia faahope te puai o to tatou aau i roto i ta'na ra ohipa. E teie atoa hoi te auraa no te parau e, e tavini tatou Ia'na ma to tatou varua atoa, oia hoi, te tuuraa i to tatou ite paatoa i roto i Ta'na ra ohipa. E te taviniraa'tu ia'na ma to tatou puai atoa, o te tuuraa ia i te taatoaraa o ta tatou nei mau faufaa no te faaotiraa i Ta'na mau opuaraa i nia i te ao nei.

E ia tamau tatou i te reira i roto i to tatou mau aau, e tia ia ia tatou ia ite i te hohonu o te parau ta Iakobo i parau mai e, te faaroo ma te ohipa ore, e faaroo pohe ia. A vaiiho rii ontouia tai'o mai i te parau tei papaibia i roto i te piti o te pene o ta'na ra, episetole.

Eaha te faufaa, e au mau taeae, ia parau mai te hoê e, e faaroo to'na, e aore a'na e ohipa, e ora anei oia i te faaroo? Ia pohe hoi te taeae, e te hoê tuahine i te veve, e aore e maa i te mau mahana atoa ra, ia parau atura te hoê o outon ia rana ra, Ia ora na i te haerea, ia mahanahana hoi orua, e ia paia hoi, aita râ i horoa'tu i te mea e maitai ai te tino ra; eaha to reira faufaa? Oia atoa te faaroo, aore e ohipa ra; e mea pohe ia, i te mea te vai hoê noa ra." (Iakobo 2:14-17)

Te Faufaa Rahi No Te Ohipa

Ua pinepine roa tatou i te parauhia, i roto i te mau papairaa mo'a, ia tae i te mahana hopea ra, e tia paatoa tatou i mua i te haavaraa a te Mesia, e i reira e hohorahia'i te mau buka, e te tahi atu a buka, e taua buka ra o te buka no te ora, e e haavahia tatou mai te au i te mau mea i papaihia, e mai te au atoa hoi i ta tatou mau ohipa. No te aha eita tatou e haavahia mai te au i to tatou faaroo, eiaha ra no ta tatou mau ohipa, o te uiraa ia te reira a te vetahi mau taata. Teie ia te pahonuraa o te reira, ua riro ta tatou mau ohipa ei faito tia mau no to tatou faaroo, no te mea e hotu mai te faaroo mai te au i to tatou itoito.

Ei tuatiraa i te reira parau ua na ô mai o Iesu, "eita te raau maitai e hotu mai i te maa ino, no te mea eita atoa te hoê raau ino e faahotu mai i te maa maitai. No reira e itehia ratou na roto i te mau hotu ta ratou e faahotu mai"

E ere ana'e te hotu o te faaroo i te haereraa ma te parau-tia e te raveraa i te ohipa afaro o to tatou taata tupu. Tei roto atoa i te reira te haapa'oraa i te mau oro'a faaora e te mau parau matamua no te evanelia iho, te mau oro'a tei piri roa i te faaroo i roto i te mau haapiiraa a to tatou Fatu. Aita anei Oia i parau mai e, "O tei faaroo, e ua baptizohia e ora ia oia"? E aita anei te mau pipi a te Fatu i faauehia ia tatarahapa i ta ratou mau hara, ia tia, i te taime baptizoraa. ia tamâhia te reira? E i muri a'e, aita anei te mau feia tei baptizohia i parauhia mai e, e horoahia mai, ia ratou te horoaraa o te Varna Maitai, te baptizoraa i te auahi o te na muri mai i te baptizoraa i te pape ra? E tae mai te reira mau oro'a faaora no te feia tei faaroo i roto i te Fatu raia Iesu Mesia, e na roto i te reira, aita ana'e te taata i horoahia i ta ratou mau hara tei tatarahapahia, ua aratai-atoahia ra ratou e te varua i roto i te mau parau mau atoa ra. Ua na ô mai te mau papairaa mo'a e, eita roa te taata e ora, mai te mea aita te reira mau oro'a. E noa'tu i te reira, ua horoahia te reira mau oro'a i te mau taata e faaroo to ratou.

Pou Moo.

Te Pupu 'QUORUM' Peresibutero.

PUPU MATAMUA I TE MISIONI.

Na roto i te purara-ê-raa'tu o te mau Peresibutero i te mau fenua hopuraa pârau, i te Tuamotu, mai te ava'e no Fepuare mai â, i vaiiho-atoa-hia'i te haaparareraa parau apî i to'na ra mau melo Peresibutero, no te Pŭpŭ (Quorum), i te mau fenua no Tahiti, Tubunai e Raiatea ma. No te mea ra ua haere-paatoa-faahou mai ratou i Papeete nei, i teie nei, te haamata-faahou nei te Pŭpŭ i te haaparare i ta'na parau i te mau ava'e atoa ra.

Ua faatae atu o Petero i ta'na parau poroi i te mau melo no te Ekalesia, tei purutia i Ponoto, e i Galatia, e i Asia e i Bitunia, i te na ôraa'tu e; "E ui maitihia râ outou, e antahu'araa arii, e nunaa mo'a, e feia hoohia; ia faaite hua outou i to'na maitai, tei parau ia outou i to roto i te poiri, ia tae i to'na ra maramarama umerehia. O outou, e ere i te taata no te Atua i mutaa ihora. i teie nei râ, e taata ia no te Atua; o tei ore i arohahia mai i mutaa iho, i teie nei râ, na arohahia mai ia." (1 Petero 2:9-10.)

FAATOROARAA. I te hopea no te ava'e no Me i mairi a'enei, ua faatoroa-faahou-hia e 4 Peresibutero apî i roto i te Amaa no Papeete, Tahiti. O te maha ahururaa ia o te mau Peresibutero i roto i tana Amaa hoê ra, e ia amuihia te taatoaraa o te mau Peresibutero o te mau Amaa ra, e tae ia to ratourahiraa i te vau ahuru ra. E homa, e parau apî oaoa, te faahiahia hoi teie na tatou e hope roa'e.

OHIPA TAUTURU. I te hopea no te ava'e no Me i mairi a'e nei, e oia atoa i te mau mahana matamua o teie nei ava'e Tiunu, e piti ia na ohipa rarahi tei rave faaoti-roa-hia e teie nei Pŭpŭ (Quorum). Te hoê o teie nei na ohipa, tei Fautaua ia e te tahi ra, tei Taunoa ia. Na roto i te tahoê-maitai-raa o te mau Peresibutero i nia i teie nei na ohipa, oia hoi, te vavahiraa, te fannuraa e te faatia-faahou-raa i teie nei na fare i nia i to raua vaiiaa apî. No

te vitiviti, e te tano maitai o te raverāa i te ohipa. tupu atura te mauruuru e te oaoa o na fatu ohipa nei i te tauturu-tahoê-maitairāa a te mau Peresibutero. Ua tauturu atoa teie Pūpū i te mau Orometua rave ohipa, i te pae o te moni, mai te au i teie i raro nei:

<i>Tenuare</i>	803	
<i>Fepuare</i>	946	
<i>Mati</i>	892	
<i>Eperera</i>	720	
<i>Me</i>	1.145	
<i>Tiunu</i>	<u>915</u>	5.421
<i>Hopuraa pārau no Hikueru</i>		<u>5.675</u>
<i>E ia amuihia</i>		11.096 farane.

Te horoa nei teie api i teie mau parau na roto i teie ve'a ia riro ei iterāa e ei hi'orāa na te mau Pūpū (Quorum) i roto i te mau amāa i faaitēhia i nia nei, ia tia ia outou ia itoitō atoa i roto i teie mau ohipa maitai.

No te rahi roa o te mau fifi i nia iho i te mau ohipa hoohoorāa a te mau pūpū na te Amāa, ei imirāa moni tauturu, no reira, na rave mai te Pūpū Peresibutero te hoê Patana no taua mau ohipa ra, no te faaore roarāa i taua mau fifi e te peapea ra. E inaha, ua manuia maitai taua mau ohipa ra i teie nei.

POROI AROHA.

Te faatae mai nei te Pūpū Peresibutero no te Amāa Tubuai mai i to ratou aroha e te oto no te faarue roarāa o Tetuatirani o te fetii Hauata e Tau, e oia atoa ia Araiana-mauri no te fetii Tehahe e Pirato. "E teie nei, e au mau taeae here e, ia itoitō outou eiaha e auene, ia rahi â te rave i te ohipa eiaha e faaea," I Korinetia 15:58.

Papahia e te tauturu piti o te Peresidenirāa no te Pūpū Peresibutero, e parahi i Tubuai.

Joseph Beneteau. (Tote)

Taumata Tekuravehe

PARAU FAAITE

Teie te parau tai'o apî, na te Feia Apî, no teie nei matahiti, oia hoi, 1959-1960.

"Ua parau atura Iesu i te ati Iuda i faaroo mai ia'na ra, I mau maite outou i ta'u parau, e pipi mau ia outou na'u i reira; e ite ia outou i te parau mau, e na te parau mau outou e faatiama." Ioane 8:31-32.

Te Parau Tuatapaparaa No Setephano L. Ritate? Tei Pohe a'e nei I Te 19 No Me I Mairi A'enei.

Ua fanauhia o Setephano L. Ritate, i te 18 no te ava'e no Tiunu, i te matahiti 1879, i te oire ra i Mendon, mataeinaa o Cache, i te tufaa fenua i Utaha. E tamaiti oia na Setephano (Longroth) Ritate, e taote te toroa, e na Ema Louisa Stayner. E mootua oia no Viriati Ritate. te hoê o te mau boa mau o te Peropheta ra o Iosepha Semita, o tei faaea i pihaiho i te Peropheta, e o Haeramu Semita, i to raua taparahi-pohe-raa-hia i roto i te fare tapearaa i Carateti ra, i Ilinoi, i te matahiti 1844.

Ua faarue to'na na metua i te oire ra o Mendon i to'na apî roa raa e haere atura raton i Roto Miti e parahi ai. I reira to'na haereraa i te mau haapiiraa e tae noa'tu i to'na faaotiraa i te haapiiraa teitei (University of Utaha), i Utaha, e riro ihora oia ei Orometua faatere no te haapiiraa i te oire o Malad, Idaho. Ia oti ia'na na matahiti e piti i roto i taua ohipa ra haere atura oia i te oire ra, i Chicago, no te haapiiraa i te ohipa auvaha ture, no na matahiti e maha i te maororaa, e i muri i te reira roaa ihora ia'na ta'na parau (Certificat) haere faahou atura oia i Roto Miti no te raveraa i te ohipa auvaha ture ra. Ua faaipoipo oia ia Irene Merrill i te 21 no Febuare, i te matahiti 1900, e e hitu tamarii ta raua e ora nei.

Ua maitihia oia ei melo no te Tomite Rahi no te Haapii-
raa Sabati i roto i te ava'e no Atopa, i te matahiti 1906, e i
te ava'e Eperera, i te matahiti 1908 maitihia atura oia ei
Taaturu Piti i roto i te Peresideniraa no te Haapiiraa Sabati,
no te ao taatoa nei, e te Peresideni o taua Pūpū ra, i taua
tau ra, o Davida O. McKay ia. Ua maitihia oia i roto i te
Pūpū Tino Ahuru Ma Piti Aposetolo i te ava'e no Tenuare,
i te matahiti 1917.

L.

I te poheraa o te Peropheta ra, o Tihoti Albert Semita,
na maitihia e na fariihia, e te Amuiraa Atoa, i te amuiraa
no Eperera o taua matahiti ra, o Davida O. McKay ei Pe-
resideni no te Ekalesia A Iesu Mesia I Te Feia Mo'a I Te
Mau Mahana Hopea Nei, e to'na tauturn hoê, oia hoi, o
Setephano L. Ritata, e to'na atoa ra Taaturu 2 o Reubena
J. Tarati Tamaiti. E hoa mau ihoa o Setephano raua o
Davida O. McKay i roto i te taatoaraa o to raua oraraa nei.
Ua rave itoitoe oia i te ohipa no to'na ra toroa, i roto i te
Peresideniraa Matamua, e tae noa'tu i to'na poheraa i te
19 no te ava'e Me i mairi a'enei.

Ua itehia oia e te mau taata atoa o te Ekalesia, e te
mau taata, e rave rahi, i te ao atoa nei, no to'na ra ite,
to'na aau mârû e to'na aroha i to'na taata tupu. Te hoê
tufaa o ta'na ohipa, i roto i te Peresideniraa Matamua, o
te faatereraa ia i te ohipa Orometua Poro-haere i te Evane-
lia i te ao atoa nei, e ua manuia roa taua ohipa ra i raro
a'e i ta'na ra faatereraa. E taata oia tei here roa i to'na
iho utuafare, e e mea puai roa ta'na mau a'oraa, i te mau
vahi ta'na i haere, i te haapiiraa o te Ekalesia no nia i te
vai-tahoê-raa o te utuafare i roto i te Basileia o te Atua ra.
Ua pinepine roa to'na a'oraa i te parau ra e, ia tahoê hia
te utuafare, i teie nei ao, ia vai ratou ma te aroha e te here,
te tahi i te tahi, ei faaineineraa no te ora mure ore ra.

Papaihia e Iosepha R. Reeder (Peresideni)

PARAU RII API

Te Utuafare O Franky, Orometua

Ua tae mai nei te parau api o tei faaite mai e, e tae mai te metua vahine o Franky, e to'na na tuaana, e te tahi teina, i te 30 no Tiunu, na nia ia Mariposa, e faaea rii mai ratou i onei e toru hebetoma. E oaoa roa o Franky i to'na farereiraa ia ratou.

Te Hoho'a No Ta Tatou Ve'a. Te Menema O Te Manu Moana

Te hoho'a e itehia nei, i nia i ta tatou tapoi ve'a, o te ho'e ia tufaa o te ho'e menema rahi, tei faatiahia, i Roto Miti, ei haamana'oraa i te semeio o te mau manu no te moana.

I te matahiti 1847, ua tae atu te Feia Mo'a i te peho ra o te Roto Miti, e i muri iho ua tanu ratou i te mau huero sitona ia riro te reira ei maa na ratou, ia tupu mai, no te matahiti i mua ra. Ua tupu maitai taua mau huero sitona ra, e i te ho'e mahana, a hi'ohi'o ai ratou, ite atura ratou i te h'e ata rahi ereere o tei tere atu na nia i ta ratou mau faaapu, e o taua ata ra e mau vivi ia o te ore roa e tia ia tai'ohia.

Ua tamata noa te mau Feia Mo'a i te mau ravea atoa no te taparahi i taua mau vivi ra, aita ra ta ratou e ravea. Tupu atura to ratou mana'o ia pure atu i te Atua. E i te otiraa ta ratou ra pure, inaha, ite atura ratou i te mau manu i te maueraa mai na nia i ta ratou mau fenua faaapu, e i te amuraa hoi i taua mau vivi ra e tae noa'tu i te taime ua ore roa ratou.

Ua ite papu atura te Feia Mo'a e, o te pahonora te reira i ta ratou pure i te Atua.